


YĚĚSU MASIHI




AMANG'ANA AMAHANGAARU SENKAAGHA SYONSWE IGHO

N-kë ...



Amaabhë: Waryobha nkwabhera arë abhantö nokaanyoora taaho ömöntö ono aing'arëëyi ukwabherwa. Hano ömöntö utighirë amang'ana amaghogho wisyöri, amaabhë gharatooka ko bhoora Yëësu yaaghëghirë ubhushibhu bhono twaing'arëëyi okoghegha (ekesosa ikya 58).



Amasabhi: Ukushumaasha na Waryobha bhukiri handë bhököng'u na ukumwitegherra (ekesosa ikya 18, 19, bheena 42).

Ëbhëbhë: Amang'ana ghano tokokora bhono Waryobha atakutuna, amang'ana ghano ghakorebherra ësëëmyö iya Waryobha kö-bhëëtö (ekesosa ikya 4).



Epasaka: Ni-nyangi iya ukuryoka ukwa Yëësu bhono yaasëmökirë. Okosemoka ukwa inyangi iya pasaka iyö, Abhaisiraëri mbaakoranga inyangi iyö bharahiitoka bhono Waryobha yaabhatöörri bhakarwa Misiri (ekesosa ikya 38-54).



Ibhibhuria: Mu-Bhibhuria oratora okosoma-mo kya bhono Waryobha akomaaha abhantö na bhono arë nabho.

Maraika: Omotomwa uwa Waryobha ono atakomaahékana (ekesosa ikya 5).



Masihi: Eng'ana iya ekeghambo ikya Ikyebhoraania ensonga iyaamo igha, omokama, Omohakwa amaguta. Ku-Kighiriki eng'ana iyö erabherekerwa igha Kiristo (ekesosa ikya 52-55).



Öbhöhöru ubhwa amakora ghonswe igho: Öbhöhöru ubhwëtö hamwë na Yëësu, kya bono Waryobha akutuna. Uruku nkokerwa rörë, na umuhiko teghokobhaho hë (ekesosa ikya 23, 29-30 bheena 59).

Obhokama ubhwa Waryobha:

Obhokama ubhwa Waryobha mbörëngë ko-bhantö bhano bhakumwighwera.

Obhong'oore: Në-bhëntö ibhiya bhyonswe igho, bheno Waryobha akutuna ahaane abhantö bhano bhakokora bhono akutuna (ekesosa ikya 10-11).

Oghosambwa: Umubhisa ono atakomaahékana uwa abhantö na Waryobha, ghwiki arabherekerwa igha Omoghogho.

Omoona uwa Waryobha: Iriina reno Yëësu akobherekerwa. Yëësu n-Waryobha ono yaishirë ko-kebhar kya ömöntö.

Omosarabha: Öghötë ghono Yëësu yaahanëkirwë-ko ko okohansha ukwaye umwene. Ghwabha ëkëmanyërryö ko-bhasoorani abha Yëësu bhonswe igho (ekesosa ikya 25 bheena 50).

Omotomwa: Omosoorani uwa Yëësu (ekesosa ikya 18).

Riika: Abhasoorani abha Yëësu nkuhiitoka bharë ukukwa na ukuryoka ukwaye, ko-mokaate bheena idivai (ekesosa ikya 41).

Ukukyora: Urusikö rono Yëësu arikyora ko-kebhar kono ëbhëntö bhyonswe igho mbirisyöribhwa bhebhe ebhehya. Waryobha narisyörya ekebhar na mu-ryobha (ekesosa ikya 57).

Ukuryoka: Yëësu yaaryökirë ukurwa mo-bhaku, urusikö rooho rono kera ömöntö ariryoka. Abhantö bhonswe igho ho bharebhotorrwa ikiina (ekesosa ikya 53-57).

Umukumo: Ukukumya Waryobha ko-ghano akokora (ekesosa ikya 58).

Umwika Ömöhörëëru: Umwika uwa Waryobha uyö, araikara mo-bhantö bhano bhakosoorana Yëësu (ekesosa ikya 58).

Yëësu: Iriina irya Omoona uwa Waryobha, ensonga iyaaryo ni-igha, Waryobha nkötöörä arë.




YĚĚSU MASIHI N-NAWĚ?

Imyoka ëbhëkwë ibhibhërë ghiyö ghyaheta YĚĚsu yaamënyirë Isiraëri iyö. Toramobherekera igha, Masihi handë Kiristo, ensonga iyaako ni-igha Omokama. Te-mokama akobherekerwa irylene igho hë, kora nkobherekerwa arë igha Omoona uwa Waryobha na iryëndë igha Omoona uwa Ömöntö. Nko okoghamba igha YĚĚsu n-Waryobha ghwiki nö-möntö. Amang'ana agha öbhöhöru ubhwa YĚĚsu ghano ghakushumaasherwa mu-Bhibhuria, na-mang'ana marito ko-senkaagha syonswe igho.

ENKAAGHA IYA YĚĚSU

Ukurwa ukwebhorwa ukwa YĚĚsu ho tukusimiryä okobharra senkaagha isyëtö. Abhantö mbaakaghëndirë oroghendo urwa amaghörö, handë sitikërë, sengamia handë ko-sefaraasi ighörö. Enkaagha iyö Abharuumi mbo bhaatonganga ahasë ahanene aha Bhoraaya, röghörö iya ghatëghatë, bheena ghöösi iya ekebhara ikya abhamwamu (Afrika). Enkaagha iyö abhantö abhaaru tebhaamanyirë okosoma na ukwandeka hë. Kasi mu-kyaro ikya Abhaisiraëri Abhayahudi bho mbaamanyirë okosoma nkyo kyaghërë bhakabherekerwa igha abhantö abha eketabho. Waryobha nkushumaasha arë mu-Bhibhuria, we Ömöbhömbi uwa kera ëkëntö, aratuna abhe omosaani uwa kera ömöntö. YĚĚsu yaatwörökya ghayö harabhurabhu igho.





ISIRAĒRI ENKAAGHA IYA YĒĒSU

Umughi Omonene: Yērusarēēmu.

Emekoowa: Ghariraaya, Samaaria bheena Yudea.

Obhonene: Sēnkōbhō kya sikiromeeta 28,000.

Bhono ikyaro kērē (kya bhono kētēēmīrwē): Hake kebhe tropiki.

Öbhötōngi: Ukurwa 63 Yēēsu atareebhorwa, Abhaisiraēri bhaatongwanga na Abharuumi.

Eserekaare: Pontio Piraatō, Ömötōngi uwa Isiraēri, Umuruumi ono yaatangatwanga na Omonene Kaisaari Tibhēriö uwa Abharuumi.

Idiini: Bhuyahudi, ryaarē-yo Risengerro mu-mughi ughwa Yērusarēēmu. Abhasēngēri mbo abhakōri abha emeremo ghyonswe igbo ighya idiini na Abhēēghya bho emeremo ighyabho no-koraghērrya abhantō amang'ana agha mu-Bhibhuria.

Ebheghambo: Ikiebhurania ne-keghambo ikya Abhayahudi, Ikighiriki ekeghambo ikya ibhyaro, Ekeratiini ekeghambo ikya Abharuumi.



N-kwakë abhantö abhaaru bhasangeraini ko-mooro hano?



Mwisëëmi obhokama ubhwa
Waryobha nkusha bhörë.



Musyore öbhömënyi
ubhwënyu bhobhe öbhöhya.



Ikisirë ikya ubhushibhu ubhwa
Waryobha kësëëmiibhwi kegheeshe
imiri ighya ömötë...



Kera ömötë ghono ghotakwama
sehaghö sinshiiya, ngoragheeshwe
ghorekerwe mo-morro.




Kora bhëëtö bhonswe toratora
okogheeshwa. N-nawë akatora
okomenya bhwaheene?

Maheene, taaho ömöntö ono araatore
ukwibhasha ubhushibhu ubhwa
Waryobha. Kasi aaho ono araandwe
nyuma, uyö naraashe asyöri amang'ana
aghëënyu.



Kasi m-maheene igha nkutuna mörë
musyöri amang'ana agha öbhömënyi
ubhwënyu? Mbe, muushe
mobhatiisibhwi
mo-manshe ghano.




Ko okokora igho, bhoono
moraabherwe ëbhëbhë ibhyënyu
mobhe na öbhöhöru obhohya.

Kera ömöntö ko-mooro haara, nkobherekera arë omoraarëki uyö igha, Yohana omobhatiisya...

Motakaakanya igha nena ubhwera. Nkösëëmërya ndë enshera oora ariisha ukutwörökya Waryobha, Uyö we araabhabhatiisi ku Umwika uwa Waryobha na omorro ughwa Waryobha. Eng'ana engä iyö nebhasyörya këmwe.




Hano oraamare...



Na öni wonswe ni-igha uwe ombatiise.



Uwe otakora igho, hayö ho toraakore bhono Waryobha akutuna.




Taata, obhokama ubhwaho bhuushe, na reno ryonswe igho ukutuna rebhe.




Engamba ekarwera mu-ryobha igha...

Igho, nuuwe omoona uwaane, nenkohanshirë kora nköntëghëra öre.




Nku-kusimirya ko enkaagha iyëëtö eno, ho Yohana omobhatiisya yaasëëmëri Abhaisiraëri igha Masihi ariisha. Ko enkaagha iyö Isiraëri n-katabhë aka obhokama ubhwa Abharoma kaarë.



Abhayahudi mu-kyaro ikya Abhaisiraëri, mbahukibhwa hukibhwanga-mo. Abhantö bharaíteng'era bhököngu enkaagha eno Masihi akaishirë. Masihi uyö narekora obhoheene ubhwa Waryobha.

Yohana omobhatiisya arasömösyä Yëësu na ikyara ko-mooro ughwa Yorodani haara, na eno araghamba igha.


Tamaaha, Omoona Ring'öndi uwa Waryobha, uyö we akwabhera abhantö ëbhëbhë ibhyabho.



Hano Yëësu yaamarre okobhatiisibh wa igho, Umwika uwa Waryobha akamotangata ukughya muriköngö.



Akabha iyö ubhutikö na omobhasö sinsikö merongo ene, atakorya kora ukunywa kyokyonswë igho. Ko bhoora yaasaasaamanga eno aiasirë ibhyakorya, okore amanye emeremo ighyaye bhuuya igho.



Yëësu arashaashwa na Oghosambwa ghono ghotakomaahwa öghötöngi ughwa ikisuntë ghono ghokobhaaha ekebhara kyonswe igho okohetera uruku na obhoghogho.



Nyoore Yëësu nkutuna arë igha akore amang'ana bhuuya, ni-igha akore ekebhara kemanye bhono Waryobha akutuna. Waryobha nkutuna arë igha abhantö bhatakoobhoha ikyöbhöhërryö ikya uruku.



Taata, nendakore kyokyonswë keno ukutuna.

Kasi Oghosambwa, ughubhisa ughwa Yēesu ghoora, ghorashaasha ököng'ënerrya Yēesu igha, atakaakora emeremo ighya Waryobha.

Nyoore m-boheene igha m-Moona uwa Waryobha öre, syörya amaghena ghano ghabhe emekaate.

Aa, a, mo-Mandeko amahörëeru yaandëkirwë igha, "Öbhöhöru ubhwa ömöntö tokoraaghera emekaate ukwene igho hë, kasi ekenene n-hano ömöntö yaanyoora Amang'ana agha Waryobha."

Nyoore uwe m-Moona uwa Waryobha öre, irekera hansë kurwa ko-rosara urwa risengero. Kasi tiyandëkirwë igha, abhamaraika mbarakogheghe mo-mabhoko aghaabho?

Maaha, nendakohaane ubhwera ku-kyaro kyonswe igho, hano oraanyihighamere onsaasaame.


Hano ghayo ghaahöyë, Oghosambwa ghokatika Yēesu ko enkaagha iyö. Abhamaraika bhakaasha ukumutighinkanera.

Kora ghwiki yaandëkirwë igha, "Otakaashaasha Waryobha."

Taru-ho ghore Ghosambwa! Yaandëkirwë igha, "Ni-igha tosengerenga na ukutighinkanera Waryobha umwene igho."




Yēesu aishöyë Umwika Ömöhörëeru hano yaakyoranga mo-mokowa ghono ughwa Ghariraaya, muyö mo Yēesu yaakënëyë. Omokowa ghuyö, ghwarënga na abhantö abhaaru. Ghwarënga orobhareka urwa ghöösi iya Isiraëri. Hano Yēesu yaakoranga oroghendo, abhantö m-baaru bheemokeranga-ko bhaghootana nawe. Bhaibhöryanga igha okaanyoora Yēesu we Masihi ono amang'ana aghaaye ghaandekwa na abharöoti.

Inyangi iya ubhwenga mu-mughi ughwa Kana ghono ghorëngë
mo-bhekereghe ibhya Ghariraaya...




Yëësu bhaana nyakuwaabho, hamwë
na abhasaani abhaaye abhandë,
bhonswe mu-nyangi iyö bhaarë.





Kaperenaumu nu-mughi ughwa abhatēghi, ngohaghaashirwē mbareka iya inyansha iya Ghariraaya. Hayō ho Yēesu yaararēkēyē amang'ana agha obhokama ubhwa Waryobha urwa mbere.



Hano ho yaashaghoranga abheegha abhaaye abha mbere.




Peetero, ghobha ubhwato ukughya bhuribha moteghe-yo emetego.





Omonene, twakōrrē omotono ughwa okotegha ubhutiko bhwonswe igho, kasi titunyōōrē ekētō hē.



Kasi ko bhono oghambirē igho ...




Mbe! Mbe! Ndōghōōrē. Kora temanyirē hē.



Yëësu aratarra Ghariraaya kyonswe igho. Yaatarëëyë-yo hamwë na abheegha abhaaye. Arëëghya abhantö bhonswe igho amang'ana agha Obhokama ubhwa Waryobha. Arahwënia amaröyë agha seteemo syonswe igho, na ukwata amasambwa. Abhantö bhararoghoora bhareemokerako okomosoorana. Abhandë bhararwera mo-mekowa ighyëndë igbo abhandë Yërutarëëmu umughi omonene ughwa Isiraëri. Bharaitegherra bhuuya amang'ana ghonswe igbo ghano akoghamba.




Nyakara bhano bhaana umweko, ko bhoora mbarighötibhwa.




Nyakara abhabhabhayëru, ko bhoora mbarërorësisbhwa.




Nyakara bhëënyu hano mwareghwa na abhantö okoghera iya öni. Mushomerwenga na ukukirirrya ko bhoora ituho iyëënyu mu-ryobha ne-nene.




Mokorrena abhantö kya bhono mukutuna igha bhabhakorrena.




Mohanshenga abhabhisa abhënyu na okobhasabhera.



Mokorenga amang'ana amaiya mwishaabhirë, motakaitanshëryanga mo-bhantö.




Ömöntö ono akomaaha omokari amwighomba, nkunyoora amarrë okokora nawe amaigha mo-nkoro iyaaye.



Iriiso ndyo ëkëmörë ikya ömöbhërë, hano oraanyoore iriiso iryaho ni-höru, ömöbhërë ughwaho ghonswe igho mo-bhorabhu ghokobha. Kasi hano waanyoora igha ni-sarëku, mukisuntë okobha.




Taaho ömöntö ono araatore ukutighinkanera abhanene abhabhërë, ukutighinkanera Waryobha na ëbhëntö.



Motakaaghania igha, isho iyakë bhorekya. Tangata mutune obhokama ubhwa Waryobha, bhoono aghandë ghayö ngaraarobhere-ko.




Mokore ghayö nkobhatëëbhya ho moraatuubhane na ömöntö ono akohaghaasha inyumba iyaaye ku-ritare. Hano motakore ghayö moraatuubhane na ömöntö ono okohaghaasha inyumba iyaaye ko-mosense.



Urusikö rëndë, amakomo agha abhantö ghaibhaghaghanianga mu-nyumba eno Yëesu yaare-mo, mu-mughi ughwa Kaperenaumu...

Muyö tetokotora okosoha-mo hë.



Ni-igha tömöhëti ko-rosara urwa inyumba na righodoro iryaye.

N-kë kërëngë kighörö kuyö?

Mobhatighe, abhasaani bhayö umukumo ughwabho m-monene.



Wabhëyywë ëbhëbhë ibhyaho.



Hai aruusiri ubhweru ubhwa okoghamba ghayö?

Nkushabhura arë Waryobha.

Waryobha umwene igho we akotora ukuruusirya-ho ömöntö ëbhëbhë.



Eng'ana ëntöbhu bhököng'u ököteëbhya ömöntö ono në-hë, "Wabhëyywë ëbhëbhë ibhyaho," kasi ni-igha, "Emoka"?



Masihi naana ubhweru ubhwa ukwabhera ömöntö ëbhëbhë ibhyaye, kora bhoono ndaghamba igha, "Ghegha righodoro iryaho otanore."






Riyö n-dikono këmwë.

Maaha araghenda!

Yëë mwë, maaha öni
bhoono nkotora ndë
okoghenda!

Kasi te-bhonswe igbo
bhaashomerwanga na amang'ana
amaiya agha Yëësu. Abhatangati
abha idiini bharaitaaha Yëësu
hanga akoghoota amang'ana agha
urusikö urwa Obhotooro.

Ko-Bhaisiraëri abhantö
nkokaanibhwa bharë bhököng'u
okokora emeremo urusikö urwa
Obhotooro.




Ömontö ono m-möbhëëru uwa
okobhoko. M-buuya okokora
amang'ana amaiya urusikö
urwa Obhotooro?



Rambora okobhoko ukwaho kuyö.





Mbe, nhwëñirë!



Ono ni-igha
tomomariisi.

Abhatangati abha
Yërusarëëmu hano
bhaatëëbhibhwi
igha, ömontö ono
arashinshighania
ikyaro.

Abhantö hano bhasangeraini bhököng'u, Yëësu akatanora na abheegha abhaaye, bhakaamboka na ubhwato ku-nyansha iya Ghariraaya.












Omonene,
tatötöörria
toraghwererra!









Ndarra nkoobhoha mörë? Kasi
umukumo ughwënyu m-moke?











Mmaheene nkobhatëëbhya igha,
Omoona taakokora eng'ana yoyonswe
igho umwene igho hë. Ne-ng'ana eera
Suwaabho akutuna yo akokora.
Öni uyö we yaantoma.

Yëësu yaarë na eteemo iya ukughya
okosaasaama ahasë hano hataana
ikituri.




Yaasaasaamirë igho ubhutikö kyö,
hano akomara, akashaaghora
abhatomwa abhaaye ikömi na
bhabhërë. Akabhatoma bhabhërë
bhabhërë. Arabhahaana ubhwera
ubhwa ukwata amasambwa na ubhwa
ukuhwënia abharööyë.




Peetero na Anderea bhano,
m-möntö na mura uwaabho...



Yaakobho na Yohana bhonswe
m-möntö na mura waabho bhaarë...



Firipö na Natanaeri...




Toomasi, na Mataayo ono ekembere
hayö yaarë ömoghöoti uwa righöoti
ko-bhokakama
ubhwa Abharuuma.



Tadaayo bhaana Yaakobho
uwondë...



Simöoni na Yuuda Isikaryote.




Moghende, wowonswe igho ono
araabhasërëëninga nööni asërëënëri,
na ono akönsërëënia, hayö nkunyööra
örë asërëënëri oora yaantoma.




Abhatomwa ikömi na bhabhërë
bharakyora eno bhashömëëywë
bhököng'u ko-meremo ighyabho
gheera bhaatömirwë okokora. Hano
ghayö ghaahööyë, Yëësu akatuna
aghi righara na abheegha abhaaye,
kasi amakomo agha abhantö
ghakanga okobhakorra umweya.

Ibhyakorya m-baaru bhököng'u,
kasi abhaghësi m-bake. Mosaasaame
Omonene mwene ömoghöndö okore areete
abhantö abha okoghesa.



Yëesu araghëndërrya ghwiki okoraarekera abhantö amang'ana amaiya na ukuhwënia abharööyë. Bhoono iryobha reraghwa...

Firipö, abhantö bhang'ana hano bhonswe igho, hai bheraarwe ibhyakorya ibhya okobhaisa? Mobhahaane keno keraatooke, bharaaghere.



Abhantö bhang'ana hano nekaabha ehoorohooro iya imyëri monaane, tebhakorre ëkëntö hë.


Aahano omoona ono aana emekaate etaano na ibhiswë bhibhërë igho. Ëkëntö ikyëndë tekeeho hë.




Mötëëbhi abhantö bhaikare sentegha isya abhantö merongo etaano etaano.




Yëesu arakumya Waryobha...



Akaghëndërrya okobhatwenania emekaate bheena sinswë seera.





Abhantö ëbhëkwë na
ëbhëkwë bhararya
ibhyakorya bheno Yëësu
yaaruhiri...



Amaheene ni-igha ono we Masihi
oora akwiteng'erwa igha ariisha.

Ntoraamokore abhe
omokama uwëëtö.



Mbe, momaahe igha
ibhyakorya bheno,
bharëyë bhitighaayë,
bhiishöyë ebhekapo
ikömi na bhibhërë.



Enkaagha ebhaayë abhantö bhano bhaghi waabho.
Bhëënyu muriine mu-bhwato ubhwënyu mwamboke
humbu, öni tigha ntighare mu-nguku hano ndasaasaama.



Hano ghayö
ghahöoyë...




Ë, Bhamurë!
Kiyö në-këhwë!

Motakoobhoha,
nööni.



Omonene nyoore nu-uwe,
hamera öni wonswë
ngende ko-manshë ighörö
niishe ku-uwe hayö.

Nshö
mbe.



Wöwöööi,
Omonene
tantöörä!



Peetero, n-kwakë
obhaayë na
irinyantarëki?


Abhantö bharatuna igha bhakore Yëësu abhe omokama. Bharaighega igha hano araabhatangate obhokama ubhwa Abharooma mboraaruho. Abhabhisa abha Yëësu bhonswe bharaghëndërrya ukwaruha eno bharamoghamba bhoghogho mo-bhantö sinsikö syonswe igho. Bharamösëghërrya ko-bhantö okore bhamwite.



Omonene, kana ndööhë waahika hano?

Kana, emekaate gheera naabhahaayë ngoy ghekoghera morantuna?

Motakaanyankera ibhyakorya bheno bhikughunda, kasi mutunenga ibhyakorya ibhya öbhöhöru ubhwa amakora ghonswe igho.



Nööni omokaate ughwa öbhöhöru. Ömöbhërë ughwane ngo ghoraabhe ikimwenso okoghera iya öbhöhöru ubhwa ekebhara keno.



Ömöntö ono aratora okotohaana ömöbhërë ughwaye toraaghere? Iyakë hayö?

Iyö ni-nshabhura iyeeneyeene.






Totaghya hano tukughya.

Ono nkutuna arë igha ang'aine kera ömöntö.



Kana na bhëënyu bhonswe nkutuna mörë ukughya?

Omonene, wawë toraaghi? Uwe noona amang'ana agha öbhöhöru.



Abhantö mbaarishökibhwanga ukurwa mu-mughi ughwa Yërusarëëmu bhaitwa. Mbaahanekwanga ko-mosarabha, bhuyö mbo ubhushibhu öbhörrö ubhwa Abharooma.



Kasi ömontö wowonswe igho ono akutuna abhe omosoorani uwaane ni-igha, aikaane umwene, agheghe omosarabha ughwaye, ansoorane.



Ömontö ono akutuna ökötöörä öbhöhöru ubhwaye naraabhotabhute, kasi ono akobhotabhuta ko okoghera iya öni, naraabhötööri.



Ni-igha omanyë igha, Waryobha nö-mwë igho, uwöndë taaho hë.



Eng'ana enene ni-igha ohanshe Waryobha uwaaho ko enkorö yonswe igho, na ohanshe murikyaho kya bhono wihanshire umwene.




Ko-nkaagha iyö mu-kyaro ikya Isiraëri, bhyaare-mo
ibhishishi ibhya abhaghenge. Obhoghenge
nö-bhörööyë obhoghogho. Abhaghenge
tebhaishoghananga na abhantö abhandë hë.




Abhaghenge hano honswe igbo
bhakughya, nkusherra bharë okore
abhantö bhamanye igbo, nkuusha
bharë, okore bhabhaibhashe,
bhatakaasikana nabho.

**Yangarra, abhaghenge
m-baayö bharaasha!**



Omonene Yëesu otatwabhera!





Moghende abhasëngëri
bhabhaitaahe.




Ni-igha tughi kö-mösëngëri
atwitaahë?

Bhoono hayö ho toraahwene?



?

Mbe!




Tamaaha nhwëñirë!




Tuhwëñirë!

Yëë!



Ushömëri! Waryobha
nu-wa heene!



Abhantö tikömi bhano
bhahwëñiibhwi? Kenda bhaara hai
bhaghëëyë? N-kwakë bhataishirë
ukukumya Waryobha?



Emoka wemerre. Umukumo ughwaho
ghukuhwëñëri, kora ghökötöörri.

Abhatangati abha Abhayahudi
Yërusarëemu haara, bharatoma
abhashamishi mo-roghendo urwa
Yëesu okore bhaitahe ghano
araakore. Bho nkwanga bharë
bhököng'u emeremo ighaye
imiiya ghiyö akokora.

Nkoghootana arë na abhantö abhaghogho kya
abhasooraare, abhaghöoti abha righöoti bhano
bhakutighinkanera Abharooma...

Masihi yaasha ukutuna bhano
bhaasira okore abhatöori.




Ko bhoora Yëesu akuhwënia
abharöoyë urusikö urwa Obhotooro...

Hwena!



Kora abhaana nabhahanshirë
bhököng'u...

Mutighe abhaana bhayö bhaashe
ku-öni. Obhokama ubhwa
Waryobha nu-bhwa bhano
bharëngë kya abhaana bhano.



Yëesu arabherekerwa aghi
Bhetaania ikishishi keno kërëngë
haang'ë na Yërusarëëmu.
Raazaaro m-möröoyë. Raazaaro
na abhaisëkë abhaabho
bhabhërë, Maarita bhaana
Maryamu m-basaani abharito
abha Yëesu bhaarë. Hano Yëesu
yaahikirë Bhetaania akanyoora
amang'ana igha, syahëtirë sinsikö
inye ukurwa rono Raazaaro
yaabhëëkirwë...



Omonene, singa hano waarë, mura
uwëëtö takaakurë hë.



Maarita, mura uwëënyu naraaryoke.



Yëë, nemanyirë igha nariryoka
urusikö urwa ukuryoka abhaku.



Nööni ukuryoka na öbhöhöru. Ono
akunkumya nkobha arë omöhöru.
Maarita orakumya ghayö?





Yëë, Omonene. Öni nkukumya ndë
igha, nuuwe Masihi, Omoona
uwa Waryobha, ono akuusha
ko-kebbara kono.



Hai mömöbhëëkirë?

Omonene, otaasha
omaahe.





Abhatöngi abha Yërusarëemu bharabha ne-ntarëki bhököng'u ko amang'ana agha Yëesu na abhasooraani abhaaye.



Ömontö uyö arakora amakono amaru bhököng'u.

Hano toraatighe amang'ana ghayö ghaghëndërri, Abharooma mbaraatörööni.


Mbaraatemore risengerro iryëtö na ukusikya ikyaro.



Mokore obhong'aini ubhwënyu. Nyakara hano ömöntö akaakwa ko okoghera iya ikyaro keno, okore ketakaasikibhwa kyonswe igho.




Kiyö nkyo keraaghere Yëesu aitwe.




Mbe, ukurwa enkaagha iyö abhatangati abha Abhayahudi bhakabha bharatuna umweya okore igha bhatoore Yëesu mo-mabhoko agha Abharooma. Abharooma mbo bhaarenga na ubhwera bhuyö ubhwa okobhotorra abhantö ikiina ikyu ukukwa.

Inyangi erakorwa Bheetaania iyö...



Maryamu!




Amaghuta ghayö agha
ikirumba ikiya na-gha
öbhöghöri obhonene.



Ngakaaghöribhwi,
abhatöbhu
bhahaanwe sehera
isya-ko.




Yuuda, tigha okomoghamba
bhoghogho nyakörö uyö. Nahakirë
ömöbhërë ughwane amaghuta agha
ikirumba ikiya aghösëëmëri
ghotaraabheekwa.






Inyangi iya Epasaka n-haang'ë ërë. Amakomo
agha abhantö gharakora oroghendo
ukughya Yërusarëemu.




Abhatöngi mu-mughi ughwa
Yërusarëemu, abhatöngi bharakora inikö
iya okoghoota Yëesu. Kasi we
tatöniibhwi hë, nkughya arë.





Risengerro irya mu-mughi omonene ghuyö, ndyo esango enene iya okokora öbhösängëri.



Enkaagha iya inyangi iya Epasaka amaghuruki nkushinshwa gharë.




Esoro iya ring'öndi nkokorwa kërë esadaka iya ikimwenso mu-risengerro okore abhantö bhabhe haang'ë na Waryobha.






Kasi, n-kimwenso kë keraatore ukurusirya-ho abhantö ëbhëbhë ibhyabho?




Kö-bhööri ubhwa risengerro, abhantö bharatighinkana na ibhyashara ibhya ukuswënia seehera.



Bhakatookera igho Yëësu wonswë aratora hayö.




Inyumba iya Waryobha
ni-igha ebhe iya
okosaasaamera-mo, kasi
bhëenyu mughisyörri okobha
risana irya abhasaki!



Ömöntö ono, m-möbhë,
kasi abhantö nkukumya
bharë kera eng'ana eno
akoghamba.



Amaheene ni-igha tutune enshera
eno eraamusiki.




Hano toraamunyeere inikö,
toratora ukumunyoora,
hayö ho bhoono
toraamwite.

Twangarre, totakaasha
okokora igbo enkaagha iya
inyangi. Titukutuna igba riihë
ryebhoke enkaagha
iya inyangi iya Epasaka.



N-kerengere kë
moraang'aane hano
ndaabghaghöoti Yëësu?

Uyö we Yuuda
umwegha uwa
Yëësu.



Nendabghaghöoti Yëësu.


Hano oraatöghöoti Yëësu,
ntoraakohaane amatöngörö merongo
ëtatö, kiyö nkyo ekerengere ikya
okoghora omotomwa.



Hano inyangi iya Epasaka
yaarenga etaraasimya, Yëësu
yaaraarekeranga abhantö
mu-risengerro, nokaanyoora
abhatangati mbaakoranga
omotono ughwa okomorebherra
igha atakaakora igho.




Hano omoghoroo bha ghwahikirë, urusikö ruyö urwa inyangi iya
Epasaka, Yëësu na abheegha abhaaye ikömi na
bhabhërë bhakasikanera mu-mughi muyö okorya inyangi.




Ni-igho ndaakore ubhutikö
bhono ubhwa reero.







Naighömbirë bhököng'u okosanga
na bhënyu inyangi eno iya
Epasaka, ntaraateeswa.



Abhatöngi nkotonga bharë abhantö
kwa ekebhandërryö, kasi bhënyu
motakaakoranga igho.



Oora akutighinkanera bhonswe igho,
uyo we araabhe omotangati uwëënyu.



Öni nkobhatighinkanera ndë
kya omoghorwa.



Omonene, nokaraarëyi igha unyisaabhi amaghörö? Aa a, teebhe hə.



Nyoore Peetero ntakwisaabhi amaghörö, omany igha toona öbhömwë na öni hə.



Omonene, nyoore ni-igho, ta-maghörö agheene hə, unyisaabhi kora amabhoko na omotwe ghwonswe.




Ono amarrë okoogha, na-maghörö agheene igho akoogha.



Moramberekera igha Omonene na Umwëghya, m-buuya mokoghamba ko bhoora ni-igho ndë. Hano mokomaaha igha mbaisaabhëri amaghörö aghëënyu, kora bhëënyu ni-igha mutighinkaneranenga kya bhuyö mbatighinkanëëyë.




Ömwë uwëënyu naraanyere inikö.






Tööni hə, igha?

Etaabhe.



Yuuda, uwe takorra këmwë keno ukutuna okokora.





Enkaagha iya omoghorobha Yëesu na abheegha abhaaye
bhakarishoka ukurwa mu-mughi. Kasi Yuuda tahamwë
nabho hë...

Öni nkobhatigha ndë, kasi Taata narabhareetere
Umwika Ömöhörëëru. Uyö naraabhe hamwë na
bhëenyu arabhatöörya sinsikö syonswe igho.

Bhëenyu momanyirë enshera iya
ukughya iyö nkughya.


Nööni enshera, obhoheene bheena
öbhöhöru. Taaho ömöntö wowonswe
igho ono araatore ukuusha
ko-Taata igho atahëtëëyë ku-öni.

Mwikare hano, öni tigha nsughutare
mbere hake igho, nsaasaame.

Taata, nyoore eratora okobha,
ndusirya-ho inyaanyi eno.

Kasi otakaakora bhono öni nkutuna,
okore bhono uwe ukutuna.


N-kë kekoghera moraihiribhwa ko enkaagha ënköng'u eno? Mobhooke, nyaghaayë ng-uyö ahikirë.



Moghoote oora ndaibhaare.



Umwëghya, öghösööyi isakörö.



Yuuda, kana Masihi we ukunyeera inikö ku ukumwibhaara?

Omonene ni-igha twitane nabho?




Aa a, mutighe.



Yëësu araikërrya igha bhamoghoote. Abheegha abhaaye bharang'osa.



Yëësu arahirwa wa ömösängëri omonene, uyö we omonene uwa abhatangati abha Abhayahudi bhonswe igho. Peetero bhaana Yohana bharamurwa nyuma.



Peetero arasoha kö-bhööri ubhwa ömösängëri omonene.



Uwe te-hamwë mwaarë nawe?



Otatigha amakaaro ghayö, öni kora ntamanyirë ömöntö uyö hë.

Uwe murikyabho öre kasi hë?





Aa, a, ntamomanyirë.



Obhoheene heene, uwe wonswe hamwë waarë nawe. Ko bhoora uwe wonswe m-Moghariraaya öre.




Mora temanyirë kora kiyö okoghamba hë.



Yëësu arahirwa ku-Piraato ömötöngi uwa Ikiruumi. Abhatangati abha Abhayahudi bharasëghërrya abhantö. Bharakora ikituri na okomohanga amang'ana amaaaru.



Uwe iyakë okoghamba ko-ghayö ghonswe igho bhakukushongera? Toona eng'ana hë?



N-kë ösarri?

Öni no-bhoheene naasha okoghamba.




Obhoheene në-këntö kë?




Tenkomaaha obhosarya ubhwa ömöntö ono hë. Eno ni-nyangi iya Epasaka nö-öhë nkabhatashorra. Bharaabha kasi Omokama uwa Abhayahudi?





Bharaabha!

Bharaabha!




Mbe, bhoono iyakë mukutuna nkore Yëësu?

Mohaneke!


Araikörya igha m-mokama.

Hano oraamohaatere, omany igha törëngë omosaani uwa Kaisaari hë.



Uwe orahaaterwa, kasi Yëësu aratighara.

Bharaabha aratashorwa. Ikiina ikayye ni-kya ubhwiti ubhwa ikisiasa kyaarë.






..., 37, 38, 39!






Öni teneena isoro ko-manyinga aghaaye hë.



Bhöökëëyë ore Omokama uwa Abhayahudi.






Amang'ana agha okoraghërrya gharaandekwa ko ebheghambo bhitatö igha, "Yëësu Omokama uwa Abhayahudi," na gharamaamekwa ko-mosarabha ighörö.

Yëësu araanga ukunywa iryogho irya ukwita öbhörrö ubhwa ebheteme.

Abhasirikare bharatemera singibho isyaye ekekoobhwe.



Yëë. Teyaatöörýanga abhandë?


Nyoore m-Moona uwa Waryobha öre, ika ko-mosarabha kuyö.

Itöörýa umwene, kora na bhëëtö bhonswe ötötöörí.

Uwe tukwobhoha Waryobha kora hake hë. Bhëëtö eno yo ehoorohooro iyëëtö, kasi ono takörrë eng'ana ngogho yoyonswe igho hë.

Hano oraasohe mo-bhokama ubhwaho, unhiite-ko bhabha.

Ndakötëëbhya obhoheene igha, reero hamwë oraabhe na öni mu-ryobha.



Hano yaahikirë saa isansabha isya omobhasö, bhokabha ubhwira kabhërë, ikisuntë kekakura.

Maryamu, nyakuwaabho Yëësu, bhaana Yohana bharaimeerra haang'ë na omosarabha.

Bhoono bhëënyu m-möntö na nyakuwaabho.

Inyonta...ëngöötirë.

Taata, ndatoora enkorö iyaane mo-mabhoko aghaaho.

Waryobha wëëtö, Waryobha wëëtö, ndarra untighirë?

Ghahe...keraini.

Yëësu arakwa saa kenda isya omoghorobha. Umusirikare arabheta Yëësu na ritimö mo-sembaru, amaanyinga na amanshe gharaheta mo-sembaru hayö.



Amandeko Amahörëëru nkoghamba gharë igha, “Yaatangatiibhwi kya ring’öndi reno rikuhirwa ukushinshwa.”



“Yaabhëtirwë na okoghoshwa, ko okoghera iya ëbhëbhë ibhyëtö.” Kasi bhoono akuurë.




Uyö we Masihi ono yaaiteng’erwanga igha araasha? Kasi tewe hë?



Mbe, toghende tosabhe, hano bharaikërri tomobheeke.




Yusufu uwa Arimataaya na Nikodemu bharaghegha ikihundughu ikya Yëësu. Bharaketoora mo-sanda hamwë na amaghuta ghano ghakurumbasa, bhakakebheeka mo-mbeehera. Bhakatoora-ho reghena rinene ku-ribhanga irya embeehera hayö.



Hano enkaagha iya ukumuunya iya
Epasaka yaahöyë, abhakari bhandë
bhano bhabhabhayëyë bhököng'u,
bhaghëyë ko-mbeehera haara.



Reghena rihingiirwë
ukurwa ko-mbeehera.



N-kwakë muketuna ömöhöru
mo-bhaku? Aryökirë. Moghende
mötëëbhi abheegha abhaaye.



Hano Peetero na Yohana bhaaighuurë
igho, këmwë bhakaiha ikibhuusë
ukughya ko-mbeehera.





Kana n-kë kebhaayë
hano?




Embeehera ni
iyeene igho!





Urusikö ruyö abhasoorani abhabhërë abha Yëësu, bhaanyöörre Yëësu ko-nshera, bhakakanya igha m-möntö uwöndë igho akoheta. Bhakabha bharashumaasha nawe kya bhono Yëësu yaitirwë...

Kana bhëenyu timukukumya ghaara ghaghambirwë na Abharööti hë? Masihi tiyaarë igha ateeswe? Ghayö ghonswe igho, ngaandekwa mo-Mandeko Amahörëëru.



Ömoghëni uyö akatanora enkaagha iya okorya akabhatigha bharöghöörë...

Ömoghëni uyö n-Yëësu yaarë!



Bhakatanora këmwe ukughya ukutuna abhasoorani abhandë abha Yëësu.

Törööshë Omonene!

Maryamu bhaana Peetero bhonswe bhamörööshë!



Kamwë igho...

Mobhe na omorembe bhamurë.






Kana, timukukumya igha nööni? Momahe amabhoko na amaghörö aghaane.




Omonene na Waryobha uwaane.




Yëesu arabhooshokera abhasoorani
abhaaye sinsikö merongo ene
bhuyö setongoteraini. Kora
akaiyörökyä ko-bhantö amaghana
ataano ko enkaagha ëmwë. Ekabha
igha abheegha abhaaye abhandë
bhaateghanga sinswë mu-nyansha
iya Ghariraaya.





Kasi Peetero, m-maheene
igha nonhanshirë?




Yëësu arabhöörya Peetero eng'ana
iyöiyö katatö igha, "Peetero
nonhanshirë?"



Yëë, Omonene uwe nomanyirë igha
nenkohanshirë.

Naghya amang'öndi.



Nsoorana!

Naahaanwa ubhwera bhonswe igho mu-ryobha na
ko-kebhora. Moghende ko-kebhora kyonswe igho,
mokore abhantö abha ibhyaro bhyonswe igho
bhabhe abhasoorani abhaane. Mobhabhatiisinga
ku-riina irya Taata na irya Omoona bheena irya
Umwika Ömöhörëëru, kora mobhëëghi okoghoota
amaraghërryö ghonswe igho ghano naabhëëghya.




Muhiitenga igha, öni hamwë ndë na bhëënyu sinsikö
syonswe igho, okohekera enkaagha iya umuhiko.

Hano Yëësu yaamarrë ghayö igho,
akarwa ko-kebhora kono, akatiira
ukughya mu-ryobha. Kasi ghwiki
yaaghambirë igha, arikyora
okobhotorra ibhiina abhantö
bhonswe igho...


Yëesu aghëëyë. Abhasoorani
abhaaye bharaghanya Umwika
Ömöhörëëru mu-mughi ughwa
Yërusarëëmu, eno
bharasaasaama. Umwika
Ömöhörëëru uwa Waryobha
araituuma mo-senkoro isyabho.
Umwika ooraoora yaarë ku-Yëesu
bhoono hamwë arë nabho.
Nkobhakora arë bhabhe abhantö
abhahya bhano bhakwimererra
bhököng'u amang'ana agha Yëesu.

Uruku terwatörrë
okonaghya Yëesu hë.
Waryobha yaamukyörëëyi
öbhöhöru ubhwaye. Yëesu
yaabhaayë uwa mbere
okosoha mu-bhuhika
ubhwa Waryobha.



Abhasoorani abha Yëesu nkughya bharë hasë
honswe igbo ko-kebhara kono, nokaanyoora
nkorebherrwa bharë bhököng'u.

Yëesu m-Moona
uwa Waryobha.




Amang'ana amaiya ghayö
ngaaraarëkirwë kora okohetera
ko-matashandighi.



Hano yaakwërëëyë
ko-mosarabha
yaaghëghirë ëbhëbhë
ibhyëtö kö-möbhërë
ughwaye.
Kiyö nkyo kekoghera
twakwa ko-mang'ana
agha ëbhëbhë. Kurwa
bhoono igbo nktora törë
okomenya bhono
Waryobha akutuna igha
tomenye.

Reero eno abhasoorani abha
Yëesu nkusikana bharenga
kera ahasë ko-kebhara kono
okosaasaama na okosoma
Ibhibhuria. Nkomonyorrana
bharë omokaate na okosanga
eekombe ikyä idivai ku
ukuhiita ukukwa ukwa Yëesu.
Bharasanga hamwë na
bharikyabho, righonshe irya
Waryobha reno rërëngë mo-
senkoro isyabho.

Yëësu yaatöörya abhantö bhakore
bhono Waryobha akutuna.



Yëësu nakohanshirë, umukumi na
okomosengerra.



Waryobha nahanshirë ekebbara keno
ekerengere ikya okokehaanera
Omoona uwaaye umumwëmwë.
Ömöntö wowonswe igbo ono
akumukumya uyö taasire hë, kasi
naaraabhe na öbhöhöru ubhwa
amakora ghonswe igbo.

WILLEM DE VINK

IBHIBHURIA

Amang'ana agha Yëësu mu-Bhibhuria ghakotooka. Tekeeho eketabho ikyëndë keno kyasömirwë handë keno kekosomwa bhököng'u sinsikö senö okokera Ibhibhuria. Ibhibhuria nkohombania ërë ebhetabho ibhyaru. Yaaghëghirë imyoka 1500 okohekera hano yahöyë ukwandekwa. Ukurwa Ibhibhuria ebhe ghyaheta imyoka 1900. Nkushumaashera ërë Amang'ana amaru kya bhono Waryobha yaaihönyöyë ko-bhantö. Amang'ana agha Yëësu nköörökya gharë bhuuya igha Waryobha n-nawë.


AMANG'ANA AGHA YËËSU

Ibhibhuria nkohombania ërë, ebhetabho bhine bheno bhikushumaashera amang'ana agha Yëësu. Ebhetabho bhiyö bherabherekerwa amariina agha abhantö bhaara bhaabhyandëkirë. Abhandëki bhayö enkaagha iya Yëësu ho bhaarenga.

1. **Mataayo** - Umwegha uwa Yëësu. Yaarenga ömoghöoti uwa righöoti. Aratorahorra kya bhono Yëësu yaatighinkanëyë abhantö abha Isiraëri (Abhayahudi).

2. **Maariko** - Nu-mumura yaarë akërë, enkaagha eno Yëësu yaakoranga emeremo. Yaandëkirë amang'ana amake igho ko-makono ghano Yëësu yaarenga akörre.

3. **Ruuka** - Nö-mörëri yaarë, we umwene tyaamanyirë Yëësu hë. Yaabhörëërëyi amang'ana, igho akaandeka bhono Yëësu yaatighinkanëyë abhantö.




4. **Yohana** - Nu-mwegha uwa Yëësu yaarë. Kenene we nköörökya arë mo-bhetabho bheno yaandeka bhono eteemo iya Yëësu ërëngë. Aröörökya igha Yëësu n-Waryobha ono yaabhaayë ömöntö okore atunguri abhantö ukurwa mö-bhëbhë.

UKWEBHORWA UKWA YĚĚSU


Nyakuwaabho YĚĚsu hano yĚĚbhöyĚ
YĚĚsu tiyaarĚ aratetwa hĚ. ĚsĚĚmyö iya
Waryobha yaarĚ igha YĚĚsu ebhorwe
na intindĚ. Rikono riyö ndyaarenga
reraarĚkirwĚ mo-bhetabho ibhya kare
kora YĚĚsu atareebhorwa. YĚĚsu
yaishirĚ kya ömöntö omoke ono ataana
ubhurito bhobhonswe igho.
Akeebhorwa mu-riigho ku-ritubha irya
okoraaghĚrya-ko seng'ombe, ko bhoora
umweya ughwa inyumba
ghotaatöökirĚ.

AMAKONO AGHA YĚĚSU

YĚĚsu yaakörrĚ amakono amaarü.
Ibhibhuria eraghamba igha, yaakörrĚ
amakono merongo ene agha ukuhwĚnia
abhantö. Ghayö yaaghakörrĚ okore ö Röki
singuru na righonshe irya Waryobha.
Ghwiki kya bhono Waryobha akutuna
atööri na abhakore bhashomerwe.



UKUKWA NA UKURYOKA UKWA YĚĚSU



N-kwakē YĚĚsu yaakurē?

Ikibhuno ikya ukukwa ukwaye kerashumaasherwa mu-Bhibhuria.

Nkaagha isyëndē abhantō bhonswe igbo nkosaryanga tōrē Waryobha. Tomokora arerra kora abhabhayera. Obhosarya bhuyō mbo bhokobherekerwa igba ēbhēbhē. Kera ēkēbhē keratora okorebherra ōmōntō okobha omosaani uwa Waryobha. Kiyō nkyo ikibhuno keno kyaghērrē YĚĚsu akaasha, akaghegha ubhushibhu ubhwētō ubhwa ukukwa. Ukurwa hano YĚĚsu yaatukwērēēye, yaatōkōrrē tobhe ghwiki abhasaani abha Waryobha. Kasi ni-igba tanga tosabhe Waryobha atwabhere obhosarya ubhwētō.

YĚĚsu yaaryōkirē ukurwa mo-bhaku. Waryobha yaamōkōrrē abhe ōmōhōru.

Eng'ana iyō nkōōrōkya ērē igba aana obhoto okokera uruku.

Bhoono igbo YĚĚsu namēnyirē hamwē na Waryoba. Kera enkaagha aratora okobha mosaani uwēētō, YĚĚsu nō-mōhōru nkutuna arē igba, atōtōōri tobhe ko-nshera eno ikushomera Waryobha.

AMASABHI

Nyoore nohongora ēbhēbhē ko-maghogho ghano waakora na nyoore oratuna obhe omosaani uwa Waryobha, oratora okasabha amasabhi ghano:

Waryobha uwa righonshe, nonhanshirē.

Watōmirē YĚĚsu Omoona uwaaho umumwēmwe.

Yaakuurē ko-mosarabha okoghera iya ghano ghonswe igbo naasari.

Ndasabha unyabhere ko obhosarya bhono naakora, nyabhera.

Waashōmya bhōkōng'u YĚĚsu okobha orobhaara urwane.

Kera enkaagha ndatuna mbe uwaaho.

Ndacosabha ōntōōri, mbe bhono uwe ukutuna mbe.

Obhenga haang'ē na ōni senkaagha syonswe igbo.

Ushōmēri ukwikērrya amasabhi aghaane.

Amang'ana ghano okoraghania nkoghakora ōrē.

YĚĚSU NA UWE

Amang'ana agha YĚĚsu ngamanyekaini bhuuya igho. YĚĚsu yaarĕ omosaani uwa abhantö abhaaru bhököng'u na nyabhoono. Ekebhora kyaisyörya, reero eno abhantö abhaaru tebhakoghendera sitikĕrĕ handĕ sefaraasi hĕ. Reero eno nkoghendera bharĕ sematoka na sendeghe. Kasi ghayö teghakogharanshora YĚĚsu hĕ. We aratora okoghenda hamwĕ na bhĕĕtö kya bhoora yaakoranga mu-kyaro ikya Isiraĕri. Takomaahékana hĕ kasi obhoheene ni-igha we ho arĕ. Nkutuna arĕ reero abhe omosaani uwaaho. Mwitagherre, oratora okomohansha.

Mbe, oratuna omanyĕ bhököng'u amang'ana agha YĚĚsu? Oratora okokora ghano:

1. Simya uwe umwene okosoma Ibhibhuria.

Oratora ukusimya eketabho keno kyaandĕkirwĕ na Ruuka.

2. Simya okosabha Waryobha.

Shumaasha nawe na umwitegherre. Ukushumaasha na Waryobha ti-igha tangata omanyĕ amang'ana nyabhorebhe hĕ.

3. Shumaasha na abhandĕ amang'ana agha YĚĚsu na Ibhibhuria. YĚĚsu nkutuna arĕ abheegha abhaaye bhasikanenga hamwĕ bharatoorania bhököng'u ukwegha amang'ana agha YĚĚsu.

Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as “Jezus Messias”.

Edition in Simbiti © 2016 ISBN: 978-90-73150-44-7

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

Worldwide co-edition organized and produced by:

Wycliffe Netherlands, Postbus 150, 3970 AD Driebergen, The Netherlands

+31(343)517444, www.wycliffe.nl,

e-mail : picturebook@wycliffe.nl, Android app: google playstore (search: jmpbk)



YĚĚSU MASIHI Eno ne-ng'ana iya obhoheene iya YĚĚsu Masihi. Imyoka ěbhĕkwĕ bhibhĕrĕ ghyĕ ghyaheta YĚĚsu yaarĕ Isiraĕri. Kera ōmōntō ono yaasikaini nawe yaarōghōrĕ. Taaho uwōndĕ ono yaakōrrĕ amang'ana kya ghano we yaakōrrĕ. Handĕ ono yaaghambirĕ kya we hĕ. YĚĚsu hano honswe ighe yaarĕ yaakōrrĕ-ho amakono, bhano bhonwe ighe yaarĕ hamwĕ nabho na bhaara bhaamwitegherranga mbaashōmĕĕywĕ. Ekahekera-ho okong'entwa abhabhisa abhaaye bhaarĕ nawe. Soma uwe umwene bhono ghaabhayĕ, maaha amang'ana agha YĚĚsu bhono ghakōghĕndĕrrya.

Ekeghambo: Ikisimbĕtĕ

ISBN: 978-90-73150-44-7